

133

24. júní

REGLUGERÐ

um breytingu á hafnarreglugerð fyrir Raufarhöfn, nr. 65 29. apríl 1941.

1. gr.

b-liður 12. gr. reglugerðarinnar orðist þannig:

Skip þau, er um getur í 11. gr., b-lið, greiði 6 krónur í hvert skipti, er þau koma til hafnar, þó ekki yfir 30 krónur á ári.

2. gr.

Reglugerð þessi öðlast þegar gildi.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, og birtist til eftirbreytni öllum þeim, sem hlut eiga að máli.

Samgöngumálaráðuneytið, 24. júní 1952.

Ólafur Thors.

Brynjólfur Ingólfsson.

134

26. júní

REGLUGERÐ

um breytingu á hafnarreglugerð fyrir Vopnafjarðarkauptún, nr. 33 25. febr. 1949.

1. gr.

22. gr. reglugerðarinnar orðist þannig:

Skip og bátar, sem eru eign búsettra manna á Vopnafirði, skulu greiða hafnargjöld einu sinni á ári, kr. 7.50 af hverri brúttó smálest, opnir trillubátar, 6 smál. og minni, kr. 30.00 á ári. Gjaldlagi sé 1. ágúst ár hvert. Öll önnur skip, nema þau, sem undanskilin eru í 21. gr., 12 smál. og stærri, greiði kr. 0.60 af hverri brúttó-smálest í hvert sinn, er þau koma til hafnar, þó ekki oftar en 6 sinnum á ári.

Innlend strandferðaskip skulu einungis greiða hafnargjald í fyrsta sinn, er þau koma í höfn ár hvert.

2. gr.

25. gr. reglugerðarinnar orðist þannig:

Hvert skip, er leggst að bryggju eða skipi, sem við hana liggur, skal greiða bryggjugjald af brúttóstærð skipsins, talið í heilum tölum:

a. Af aðkomubátum:

5—12 smálestir	kr. 15.00
12—40	— — 25.00
40—60	— — 30.00
60—100	— — 45.00
100 smálestir og stærri	— 70.00

b. Heimabátar (árgjald):

6—12 smálestir	kr. 75.00
12 smálestir og stærri	— 120.00
Trillubátar	— 40.00

c. Öll önnur skip, þar á meðal strandferðaskip, skulu greiða kr. 0.30 af hverri nettósmálest,

3. gr.

134

26. júní

Á eftir 25. gr. reglugerðarinnar bætist við ný grein, sem verður 26. gr. og breytist greinatala reglugerðarinnar til samræmis við það:

Skip, sem halda til í höfninni eða hafa uppsátur innan takmarka hafnarinnar 4 mánuði af árinu eða lengur og eru minni en 100 smálestir brúttó, skulu greiða ljósagjald, kr. 10.00 tvisvar á ári og er gjalddagi 15. janúar og 15. júlí ár hvert.

Öll önnur skip skulu greiða ljósagjald í hvert sinn er þau koma til hafnarinnar, kr. 4.00 fyrir fyrstu 50 smál. af stærð skipsins og 4 auru af hverri nettósmálest þar fram yfir, þó aldrei minna en kr. 5.00.

Undanþegin greiðslu ljósagjalds eru sömu skip og undanþegin eru greiðslu lestagjalds, sbr. 23. gr.

4. gr.

29. gr. reglugerðarinnar, sem verður 30. gr., orðist þannig:

A. Gjald fyrir aðfluttar vörur:

1. flokkur. Gjald kr. 0.45 fyrir hver 100 kg:
Kol, salt, sement, áburður.
2. flokkur. Gjald kr. 0.60 fyrir hver 100 kg:
Blý, brýni, eldfastur leir og steinn, vír, hverfisteinar, kaðlar, kitti, járn- og stálvörur, kritt, málningarvörur, sódi, þakpappi, þakjárn, asbest, rafmagnsvörur, laus olía.
3. flokkur. Gjald kr. 1.00 fyrir hverja tunnu:
Benzín og olía á tunnum.
4. flokkur. Gjald kr. 0.90 fyrir hver 100 kg:
Bækur, smurningsolíur, haðlyf, sápuvörur, fiskilínur, kálmeti, kartöflur, hey, kornvörur, leður, linoleum, pappír, strigavörur, rúðugler, segldúkur, seglgarn, tvistur, togleður.
5. flokkur. Gjald kr. 1.20 fyrir hver 100 kg:
Ávextir, kaffi, kakó, brauðvörur, jurtafeiti, te, sykur, leirvörur.
6. flokkur. Gjald kr. 1.80 fyrir hver 100 kg:
Þurrir ávextir, niðursuðuvörur, eldspýtur, glervörur, glysvarningur, leðurvörur, leikföng, lyfjavörur, léttar vörur, nýlenduvörur, tóbaksvörur, sælgætisvörur, vefnaðarvörur.
7. flokkur. Gjald kr. 1.20 fyrir hver 100 kg:
Aðrar vörur, sem reiknast eftir þyngd.
8. flokkur. Gjald kr. 0.10 fyrir hvert teningsfet:
Timbur, tunnuefni og líkar vörur.
9. flokkur. Gjald kr. 0.30 fyrir hvert teningsfet:
Húsmunir, hljóðfæri.
10. flokkur. Gjald kr. 0.25 fyrir hvert stykki:
Tómar tunnur.

B. Gjald fyrir brottfluttar vörur:

1. flokkur. Gjald kr. 0.60 fyrir hver 100 kg:
Fiskur í hvers konar ástandi, lýsi, gærur, ís, síld, kjöt, garnir, hrogn, mör, tólg.
2. flokkur. Gjald kr. 1.20 fyrir hver 100 kg:
Ull og ullarvörur, hert skinn.
3. flokkur. Gjald kr. 1.80 fyrir hvert kg:
Dúnn, fiður.
4. flokkur. Gjald fyrir hvern lifandi grip:
Kindur kr. 1.50, stórgripir kr. 6.00,

134 5. flokkur. Gjald kr. 0.25 fyrir hvert stykki:
26. júní Tómar tunnur.

6. flokkur. Minnsta gjald kr. 0.90 fyrir hvert stykki.

Þótt vörur flokkaðar undir brottfluttar vörur flytjist til staðarins eða vörur flokkaðar undir aðfluttar vörur flytjist frá staðnum, breytir það engu um vörugjaldið. Vörugjaldið fyrir óvenjulegar vörur, sem vafasamt þykir hvernig flokka skuli, ákveður hafnarnefnd.

5. gr.

Á eftir 29. gr. reglugerðarinnar, sem verður 30. gr., bætist við ný grein, sem verður 31. gr., og greinatala reglugerðarinnar breytist til samræmis við það:

Greiða skal aflagjald til hafnarinnar af afla, sem landað er á hafnarsvæðinu, kr. 0.40 fyrir hver 100 kg af síld eða öðrum fiski.

Gjald þetta er kræft um leið og afla er landað og ber eigandi skips eða umboðsmaður hans ábyrgð á greiðslu þess. Skyldir eru skipstjórar og formenn að gefa hafnarverði upp heildarafla skips í hvert sinn. Ef það er ekki gert, skal hafnarvörður áætla aflamagnið og innheimta aflagjald samkvæmt þeirri áætlun.

Hafnarsjóður hefur haldsrétt á afla, þar sem aflagjöld eru að fullu greidd. Heimilt er hafnarnefnd að semja um aflagjöld heimabáta.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, til þess að öðlast gildi nú þegar, og birtist til eftirbreytni öllum þeim, sem hlut eiga að máli.

Samgöngumálaráðuneytið, 26. júní 1952.

Ólafur Thors.

Brynjólfur Ingólfsson.

135
27. júní

REGLUGERÐ

um bann við nautgripaflutningum, heyflutningum, sláturflutningum o. fl.

I. KAFLI

Um flutning nautgripa.

1. gr.

Garnaveikisvæði teljast í reglugerð þessari:

1. Frá Héraðsvötnum austur að varnargirðingum í Eyjafjarðarsýslu.
2. Frá Jökulsá á Fjöllum austur um land að Hornafjarðarfljóti.
3. Frá Jökulsá á Sólheimasandi vestur og norður að Hvalfjarðargirðingu.

Allir flutningar nautgripa frá þessum svæðum eru bannaðir.

Inn á garnaveikisvæðin er hins vegar leyfilegt að flytja nautgripi af ósýktum svæðum.

2. gr.

Innan garnaveikisvæðanna 1. og 3. er óheimilt að flytja nautgripi milli bæja til dvalar, nema með skriflegu leyfi fulltrúa sauðfjársjúkdómanefndar, er styðjist við umsögn hlutaðeigandi eftirlitsmanns.

Algerlega er bannaður flutningur nautgripa frá bæjum, þar sem grunur er um garnaveiki, til bæja, sem veikinnar hefur ekki orðið vart, eða í girðingahólf, þar sem heilbrigðir nautgripir eru geymdir.